

quam summo bono conjunctione, ideo mors æterna consistit in separatione impiorum à Deo &c.

4. Philosophia Platoni mortis contemplatio eodemque sensu separatio animæ à corpore describitur, quia quò quis magis vivit vitam animale & carnalem, immerfus rebus terrenis & corporeis, eò minus sapientiæ studiis incumbit. Atque ita Philosophi status diversa ratione & vita & mors dici potest: mors quidem, secundum tertiam hujus vocis acceptionem & in ordine ad corpus; vita autem, secundum acceptionem hujus vocis alteram & in ordine ad animam. Vide Exercitationis præcedentis articulum sextum in fine.

5. Secundum hanc tertiam Vitæ mortisque significationem maximè intelligenda est tota de animæ immortalitate quaestio: quaeritur enim an in humana *anima* dari possit dissolutio & separatio rei unius ab alia re, quemadmodum in morte *hominis* est animæ à corpore solutio, & in corruptione *corporis* unius membri ab alio separatio.

6. Quemadmodum ergo tam in morte hominis, quàm in corruptione corporis
humani